

Waterford Castrum, dominium, Honorem, terram, & Baroniam de Dungarvan: ac omnia alia dominia, honores, terras & Baronias infra eundem Comitatum, nec non omnia & singula predicta maneria, hundreda, &c. prefato Comiti & heredibus masculis de corpore suo exeuntibus de nobis, & heredibus nostris, per homagium, fidelitatem, & servitium essendi, & quod sit Senescallus noster, & heredes sui sunt Senescalli nostri, & heredum nostrorum Hibernie, in tota terra nostra Hibernia, ad faciendum & faciatis, in eodem officio suo facere debet ipse, quod & predecessores sui Anglia Senescalli in officio illo haecenus facere consueverunt in perpetuum. In cuius rei testimonium, &c.

Senescallus Hibernie.

Cum tamen Angliae Regibus & proceribus quibus amplae in Hibernia possessiones primum bellis Gallicis, postea internis diu distentis, Hibernia esset quasi posthabita, res Anglorum ibidem dilapsa fere jam defluxisset, & Hibernicorum ex ipsorum absentia, supra modum invaluisset, à regni Ordinibus ad damna refarcienda, & Hibernicorum vires infirmandas scitum & sancitum erat ut Comes Salopia hoc Comitatu, Dux Norfolciae, Baro Barkley, haeredes femellae Comitissae Ormondiae, & omnes Angliae Abbates, Priores, &c. quibus praedia erant in Hibernia, ob absentiam & incuriam in suis tutandis, Regi & suis successoribus, omnibus cederent in perpetuum possessionibus.

An. 28.
H. 8.

COMITATUS LIMERICK.



Arimos Momonia Comitatus haecenus obivimus, duo super sunt mediterranei Limiricensis & Tipperariensis, quos jam adeamus. Limericensis Comitatus ab tergo Corcagiensis ad Septentrionem inter Kerry, Shanon flumen & Tipperariensem agrum obiacet; fertilis & frequens regio, sed quae paucula ostendit melioris notae loca.

Conilagh.
Knoc-Patric.

Pars Occidentior Conilagh dicitur, in quo inter colles Knoc-Patric, id est, Patricii, collis surgit celsissimus, & ameno in mare prospectu Sineum sive Shanon flu. Oceano Vergivio vasto ostio illabentem è longinquo prospectat, sub quo colle diu honore vixerunt Fitz-Giraldi, donec Tho. dictus Eques de Vallibus sive de Glin, cum filius impius incendiarius fuisset extremo supplicio affectus, (villas enim & aedes incendere crimen est laesa Majestatis juxta Hiberniae leges) quod ipse filio scelerum author fuerit, amplis possessionibus autoritate Parliamentaria fuit multatus.

Knight of the Valley.
R. Eliz.
Anno x i.

Limiricum hujus Comitatus urbs est primaria, quam diviso alveo Sineus sive Shanon fluvius nobilissimus circumfundit, Hibernicis Loumeagh, Anglis Limirick. Sedes haec est Episcopalis, & Emporium Momoniae admodum celebre, à Reimundo Crasso Anglo Guilielmi Giraldi filio primum expugnatum, postea à Duvenaldo Hibernico Thuetmo-

Limirick.

nia regulo incensum, deinceps Philippo Breoso Anglo in feodum datum, & à Ioanne Rege castello munitum. Hodie duplex est, Superius quod vocant, in quo Cathedralis Ecclesia & castrum, duabus patet portis quae suos habent è saxo pulchros pontes cum propugnaculis & ponticulis versatilibus, quorum alter in Occalum ducit, alter in Ortum, cui inferius annectitur oppidum moenibus obvallatum cum suo etiam castrum & propylæo. Magis ad Ortum est Clan-william hoc nomen tribus Willielmi è familia de Burgo (Bourk Hibernici vocant) quae incolit nomen fecit, & è qua Guilielmum, qui Iacobum Fitz-Moris patriae turbinem occidit, honore Baronis de Castell-Conell (ubi Richardus Rufus Ultoniae Comes castrum firmaverat) cum annua pensione in virtutis praemium & solatium pro liberis in eo praelio caesis Regina Elizabetha donavit. In Australi hujus Comitatus parte est Kill-Mallo secundum à Limirico & copia & frequentia, moeniumque ambitu inclulum, & Adare munitum olim opidulum ad eundem fluvium qui statim in Sineum exoneratur, cui adjacet Clan-Gibbon, cujus Dominus Ioannes Fitz-Girald dictus Ioan. Oge Fitz-Iohn Fitz-Gibbon, & ob canescentes capillos The white Knight, Parlamentario decreto ob scelera fuit proscriptus, sed filius Reginae Elizabethae clementia in integrum restitutus. Clarioris notae & nominis in hoc tractu sunt, praeter Bourkos illos, & Giraldidas sive Fitz-Giralds, Lacei, Browni, Hurleai, Chacai, Sapelli, Pourcelli, qui omnes generis Anglici, & Mac-Shees, Mac-Brian, & O Brian, &c. Hibernici.

Clan-William.

Baro de Castell-Conell.

Clan-Gibbon.

13. Eliz.

Fitz-Giralds.

COMITATUS TIPPERARY.



Tipperariensis Comitatus qua Sol occidit agro Limiricensi & Shanon flumine, qua oritur Killkeniensis, ad Meridiem Corcagiensis & Waterfordensis, ad Boream territorio familiae O Caroll circumscribitur. Pars Australis agri fertilitate eximia & annonae copia luxuriat, satis confita aedificiis. Occiduum partem longo cursu Glasfon flumen perfundit, à cuius ripa parum abest Emely sive Awn sedes Episcopalis quam olim frequentissimam fuisse urbem perhibent. Mediam interfecat Sewerus, qui etiam Swirus, flu. nobile qui è Bladina monte profusus per Offeriam inferiorem quae Butleris Comitissae Offeriae titulum beneficio Regis Henrici Octavi, & Thurles qui illis Vicecomitis honorem praebet, primum Sanctae Crucis celeberrimum olim monasterium adit (unde & regio adjacens Comitatus Sanctae Crucis Tipperariensis vulgo dicitur) suisque gaudet immunitatibus in honorem particulae Crucis Dominicae ibi asservatae olim concessis.

Emeley.

Offeria inferior.

Comitatus S. Crucis de Tipperary.

Lignum Crucis.

Ligno (inquit S. Cyrillus) Crucis universus terrarum orbis